

# Y Pwyllgor Busnes

---

Lleoliad: **Swyddfa'r Llywydd, 4ydd Llawr, Tŷ Hywel**

Dyddiad: **Dydd Mawrth, 24 Mawrth 2015**

Amser: **08.30 – 08.40**

Cynulliad  
Cenedlaethol  
Cymru

National  
Assembly for  
Wales



**Cofnodion:** Preifat

**Aelodau'r Pwyllgor:**

**Y Fonesig Rosemary Butler (Cadeirydd)**  
**Paul Davies**  
**Jane Hutt**  
**Elin Jones**  
**Aled Roberts**

**Staff y Pwyllgor:**

**Aled Elwyn Jones (Clerc)**

**Eraill yn bresennol:**

**David Melding AC, Y Dirprwy Lywydd**  
**Christopher Warner, Pennaeth Gwasanaeth y Pwyllgorau**  
**Polisi a Deddfwriaeth**  
**Siân Wilkins, Pennaeth Gwasanaeth y Siambr a**  
**Phwyllgorau**  
**Craig Stephenson, Cyfarwyddwr Dros Dro Gwasanaethau'r**  
**Comisiwn**  
**Peter Greening, Llywodraeth Cymru**

---

## 1 Ymddiheuriadau a chyhoeddiadau

## 2 Cofnodion y cyfarfod blaenorol

Nododd y Pwyllgor y cofnodion i'w cyhoeddi.

### **3 Trefn Busnes**

#### **3.1 Busnes yr Wythnos Hon**

Cynhelir y Cyfnod Pleidleisio ddydd Mawrth ar ôl yr eitem olaf o fusnes. Cytunodd y Pwyllgor Busnes y dylid cynnal y Cyfnod Pleidleisio cyn y Ddadl Fer ddydd Mercher.

#### **3.2 Amserlen Busnes y Llywodraeth ar gyfer y tair wythnos nesaf**

Nododd y Pwyllgor Busnes Amserlen Busnes y Llywodraeth ar gyfer y tair wythnos nesaf.

#### **3.3 Amserlen Busnes y Cynulliad ar gyfer y tair wythnos nesaf**

Penderfynodd y Pwyllgor Busnes ar drefn y busnes a chytunodd i amserlennu'r eitemau a ganlyn:

**Dydd Mercher 22 Ebrill 2015 –**

- Dadl gan Aelodau Unigol o dan Reol Sefydlog 11.21(iv) (60 munud)

**NNDM5715**

**Bethan Jenkins (Gorllewin De Cymru)**

**William Graham (Dwyrain De Cymru)**

**Lynne Neagle (Tor-faen)**

**William Powell (Canolbarth a Gorllewin Cymru)**

Cynnig bod Cynulliad Cenedlaethol Cymru:

Yn galw ar Lywodraeth Cymru i

a) annog moratoriwm ar gloddio glo brig ledled Cymru, er mwyn canfod a yw cyfraith cynllunio a chanllawiau cyfredol yn darparu digon o amddiffyniad i gymunedau yr effeithir arnynt gan gloddio glo brig;

b) ymateb i ymchwil i'r methiant i adfer safleoedd glo brig yn ne Cymru, gan ddatgan yn benodol sut y gallai fynd i'r afael â phryderon ynghylch pa mor ymarferol yw MTAN2 a'r glustogfa 500 medr; a

c) cynorthwyo awdurdodau lleol yr effeithir arnynt i wneud heriau cyfreithiol, lle bo angen, wrth geisio adfer safleoedd.

- ~~Amser a neilltuwyd i Ddemocratiaid Rhyddfrydol Cymru (60 munud)~~

## Dydd Mercher 29 Ebrill 2015

- Amser a neilltuwyd i Ddemocratiaid Rhyddfrydol Cymru (60 munud)
- ~~Amser a neilltuwyd i Blaid Cymru (60 munud)~~

## Dydd Mercher 6 Mai 2015

- Amser a neilltuwyd i'r Ceidwadwyr Cymreig (60 munud)
- Amser a neilltuwyd i'r Ceidwadwyr Cymreig (60 munud)
- Amser a neilltuwyd i Blaid Cymru (60 munud)

## 4 Deddfwriaeth

### 4.1 Cynigion Cydsyniad Deddfwriaethol – Rhaglen ddeddfwriaethol y DU ar gyfer 2014–15.

Nododd y Rheolwyr Busnes y papur a gyflwynwyd gan y Gweinidog yn amlinellu asesiad terfynol Llywodraeth Cymru o raglen ddeddfwriaethol Llywodraeth y DU ar gyfer pedwaredd sesiwn y Senedd hon.